

T 3134 / 5991.81

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
DEC 12 1939

T 3134 / 5991.81

I

東光縣志缺葉表

卷五第十四葉

卷七第二十二葉

東光縣志序

縣志序

東光卽古東光侯國前明有志至末季而書三易焉  
蓋志識也所以鑒今而徵後也人材有盛衰風俗有  
淳漓戶賦有登耗物產有消長山原川澤有收移通  
塞率數十年而一變變而不時識之散帙道亡幾以  
徵矣故聖人之於文也知我罪我其惟春秋文獻不  
足致慨杞宋焉余庚戌來令茲土值

皇上誕敷文教實錄告成玉堂之締纂賞賚有差復以  
一代掌故不取天下之疆域物產而一覽周知亦闕

哈佛大學漢和  
圖書館珍藏印

與也乃

命輔臣請令各省郡邑咸修志上之然我

朝混一宇內垂三十年其時事之治亂生齒之盈虛鴻  
聲駿業潛德幽貞既乏北海碑銘又鮮西京雜記舉  
檄操觚惴惴滋懼矣遂詢諸學博宋君因悉其弟子  
馬生輩淵雅士也延置學舍取舊志而哀輯之曰志  
猶夫史學以昭事事以布文褒貶既著臧否以之例  
準其昔彰前軌也事搜其逸詳考鏡也政紀其蹟垂  
公也論引其端戒先事也厥詞務核厥義務正酌

繼今網舉而日張詳哉乃可謂信史矣越月書  
成余與朱君親爲校訂其覈事顯義緒理要會邑乘  
雖小蓋亦粲然明備焉正諸紳士僉曰都哉爰付剞  
劂以俟後賢匪敢曰私改新絃變左氏之編年亦惟  
是書依舊樣雖史公之紀傳云爾

康熙癸丑菊月上浣吉旦

賜進士出身知東光縣事西京王九鼎書於攀越軒

縣舊志序

邠邑有志其來尚矣粵自黃帝畫野分州帝嚳創制九州堯遭洪水使禹平治水土更制九州列五服而禹貢作焉歷至周有職方漢有輿地圖唐宋而下志地理紀方輿者數百家故後世郡邑之志漸以詳備敝邑古爲東侯國歷春秋漢魏而下或改爲縣爲州爲郡爲軍沿革不一迨至我朝復爲東光縣余少游邑庠上司巡歷敝邑間有索觀志書者邑令於縣庫中取志一册送覽畢余亦因得借覽其紙不過十

張所書不過二十餘事初不知何人編次事無統  
紀言亦鄙俚甚不足觀及登進士得河間總志而東  
光志附焉其廢置沿革以及城池公署名宦人物  
文等類雖有可觀然又失之簡畧既而官吏部考功  
公暇披覽載籍事有關於縣志者甚多每欲創志因  
循不果歷三十餘年誠闕典也同郡任丘鄭上舍廷  
佩以博學名聞郡太守常君託修河間府縣總志若  
于卷之在志之比之前志固詳以東光志論之亦有  
限月修志且餘志成過余謂曰昔修總志歷

籍越數歲方成凡東光古今事蹟自前志已備  
載及聞先生命再加搜索始知多所缺漏但延於先  
生南行不及詳訂敬奉荒稿冗復舛訛者願爲校正  
余拜受之收諸篋筒至南都復屬文選方郎中賄舉  
嚴加校讐方亦博物洽聞士也正其舛訛刪其冗復  
於人物則叙其世次於藝文則別其名類分爲六卷  
每篇虛其下方以便增入繕寫既完謂余不可無言  
故歷序作志之由附諸末簡告吾邑人後之有志者  
尚冀隨時續修傳示無極與邑壤並存可也正德十

六年歲次辛巳菊月之吉邑人廖紀書

九縣舊志序

古者列國各有史誌蓋其流派云國家一統誌外郡  
邑之書幾於山積寧直藻績是飾而羅古摭今昭往  
訓來始亦恢恢鉅典乎東光僻在瀛海東南良弼承  
乏於茲卽訪治問俗求所謂往規而因之乃邑誌則  
泯泯無傳矣詢之太史王公檢篋中得一舊本相示  
是正德辛巳歲所訂者因撫卷嘆曰來之視今猶今  
之視往也微太史公存此遺編則往事不幾湮滅與  
而來者將何考也矧誌久時殊義多未協卽以

屬公公負良史才亦不辭躬事編摩更寒暑而稿成  
顧錄未竟公遂以修文去嗚呼胡天不憖遺良史一  
俾此編不速就乎於是復付公門人劉耿光輯錄成  
書雖事詞具備而款目義例尚未確也良弼承手之  
暇仍考覈裁訂之條分縷析證以時事越數月而誌  
始成覆按其中分野著而天道明疆域定而地宜  
建置則廢興之故昭若列眉貢賦則出納之數洞  
觀火以至紀人物則偉人高士輝映後先者皆型範  
也錄詞翰則宏詞麗句照耀今昔者皆宗匠也觀是

一披卷而往蹟具在口中矣又何  
成足以昭往而訓來哉第一世鉅典淪沒既  
其舊而更新之傳信傳疑庶幾乎古史闕文遺意  
茲役也草創于王公斯錄于劉生而簿僚申君承禮  
嘗協一潛采學博越君應甲及郭君達孫君詔咸相  
與棧正是太史之能也諸君子之勞也良弼何力之  
有焉若夫慮始考成亦既殫于厥心役竣爰捐俸錢  
梓用畢思志尚冀後來者據事筆削以補其不逮則  
厚幸矣萬曆甲辰孟秋吉月汝光知縣余良弼謹



東光縣舊志序

邑有志乃前令余公之所輯也迄今垂三十年所矣  
大都意主精嚴未免近畧不佞偉承乏茲土思秉而  
傳之於是徵文考獻得鄭公舊本於太僕公郭老公  
祖家藏讀之纒纒諸款畢備慨然曰繁簡之間折衷  
斯二者而已會偉簿書冗兼負弩南北郊無虛日因  
遍請教于先達縉紳孝廉諸公晉學博三先生暨博  
士余子員共事鉛槧而宋先生之力居多焉偉時覽  
而點次捐俸付之殺青誌成矣可無一言弁端竊謂

東光去帝都未遠跨衛引津襟滄龍景固瀛海一與  
區也微論茫茫坤維廣輿有記而家之博也之乘所  
從來矣疇是可艸艸從<sub>下</sub>矧夫翠巘分靈清流灑澗  
山川疆域可一覽而盡其它貢賦裕國儲之計政教  
敷窮簷之膏梵宇琳宮境占幽勝名公鉅藻秀奪春  
華木花卉之細凡爲邑之所有不得爲誌之所無  
分門別類演爲十卷卽不敢謂全無遺議亦庶幾泰  
攷之一借耳後之君子不無世代新故之感歛

於其間也則是編具在矣崇禎八年<sub>庚辰</sub>仲秋<sub>庚辰</sub>泮  
之書文林郎知東光縣事大梁邵建備書于退思公

凡例

一 邑乘肇於明正德辛巳邑僑精廖公再修於萬曆甲辰邑太史王公邑令邵公繼之余公又繼之繁簡之間總未盡善我

朝業施王公取舊志而哀輯之較前稱善本焉茲志約以三公爲準

一 建置沿革古今事蹟咸參考經史記傳諸書灼有可據者書之專涉可疑者不書

一 城池官署不可缺者雖廢必載

一祠祀載前祀典者春秋致祭悉書餘採書志附

錄

一戶口冊賦國課攸關故登載獨詳

一前代官師行事立書大節無事實者惟書姓字  
仕籍我

朝官師據所著聞畧著行事猶恐事涉愛憎仍俟論

定

一選舉爲設庸之自畢生事業於茲肇基故自爲

一帙以便稽考

忠孝節烈事實詳載本傳祇擬大節書之其無

本傳可稽者惟書履歷又君子身後論定故傳


不及存者

一諸項文藝頗廣採其關風教者畧載一二無涉



者 應亦刪

一各類謬書序要亦遠民隱塌葵忱也深在冀於

觀者



縣城圖



義塚

西至馬頭三里  
西北至交河縣五里

西至連橋鎮六里

南至連橋鎮八里  
西南至景州六里

東北至德山  
三里

東南至寧津  
縣六十里

東關地方

南至吳橋  
七十里  
德州

南壇

北壇

東門

西門

南門

北門

行宮

木頭市

敬事所

茶院

武庫

大王廟

城隍廟

北至泊頭  
四十里  
通河開府

西壇

東門

北門

南門

西門



東門



南門

北門

行宮

縣治圖







東光縣志總目

卷之一

建置

沿革

禮祥

封界

卷之二

鄉里

山川

河防

形勝

古蹟

橋梁

市集

卷之三

城池

武備

縣治

學校

義學田附

行署

惠政附

坊表

風俗

鄉約鄉飲附

祀典

生祠附  
寺廟附

卷之四

戶口

田賦

鹽政附

方物

卷之五

封爵

知縣

縣丞

主簿

典史

教諭

訓導

卷

進士

武進士附

舉人

武舉將杜騰補附

貢士

恩拔附

例監

掾吏

卷之七

忠節

孝行

勲業

文學

隱逸

義行

貞烈

卷之八

誥勅

表

疏

記

文

詩

修志姓氏

東光縣知縣錦水白為儀

纂著

教諭寧晉馮樾

參正

訓導潞河李河春

主簿三韓李國維

纂著

典史聊攝劉文魁

候選知縣邑人趙塔

候補知縣邑人馬光

邑庠諸生莊會熙

孫文耀

馮文

邢天維採輯

東光縣志卷之二

建置

畫野分方立極表民自古然矣然制以時變法以  
勢宜聖人不能違也東光自啓服以來或隸於郡  
或隸於州或爲州治或開軍府或析於比隣或併  
於別邑雖附屬靡常分合互異要之時勢所趨惟  
變通以宜民耳爰稽史書証以雜記詳著沿革使  
來者有考焉

唐古高陽氏創制九有猶冀州地

哈佛大學漢和  
圖書館珍藏印

虞 瀛國地

夏 冀究之地

商 奄有九州制如禹

周 冀州分野

春秋 河間為晉東陽地

戰國 燕齊趙三國之境西屬趙北屬燕南屬齊

秦 鉅鹿郡屬地

漢 東光縣高帝置屬渤海郡

晉 東光縣屬渤海郡

北魏 東光縣屬渤海郡

隋 東光縣屬平原郡

唐 東光縣武德四年復置觀州治弓高貞觀十

七年屬滄州改屬景州天寶元年改為臨津

縣天祐五年移景州治於東光

五代 唐晉漢仍景州 周顯德二年廢景州為

定遠軍又廢弓高縣入東光縣為定遠軍治

所

宋 東光縣屬永靜軍

金 東光縣改為觀州避章帝諱也

元 東光縣至元二年復為景州

明 東光縣仍隸河間府

星情因之

邑宦郭典治辨三國之境說附

東陽國名左傳晉荀吳伐東陽是時東陽已屬於

晉其為郡自秦始皇戰國時趙割河間以事秦又樂

毅羅三晉於觀津後奔趙封於觀津是邑本趙地

燕無涉其於齊則或以其當屬渤海云

星野

自保章氏九州星土之說不傳而後之談星者何

紛紛也左氏失之誕天官以下失之拘而况眇焉

一區而與於全次何當乎專宿而必泥於星野惟

是邑第上應列宿地雖狹福固不能出於象緯之

外也是故傷身正事彌災致祥端有賴於良牧云

禹貢冀州之域星分尾箕

春秋元命苞曰昴畢散為冀分為趙

史記昴畢冀州

前漢地理志趙地昴畢之分野

晉天文志渤海入箕一度

新唐書滄景德為元楞分

宋史天市東垣南十星曰趙西垣南十星曰河間

幾曰天文星曆知之甚難東邑所屬之宿愚不敢

孰為孰是但按景志云河間之占箕尾自連河北

地景居河間極南箕尾之說非是大都天之一度

在地方圓合二百五十里河間入畢十度郡之分

野即縣之分野東光杪餘之地應在十度內故將

畢星圖圖附左



畢宿諸星步天圖

畢宿諸星步天圖

作衙

畢宿諸星步天圖

王下四皂天高星節下團圓九州城畢日斜對五

車日車有三柱任縱橫車中五個天潢精潢畔咸

池三黑星天關一星車脚邊參旗九個參車間旗

下直建九旂連旂下十三烏天園九旂天園參脚

邊

機祥

古昔坐感甘石究測天曜之背得矣天曜動者凡

七日月五星是已運行於天自有常度而或有變

逆者其故可攷也日月有薄蝕星有合散雷雨風

雲有迅有暴有祲有變怪此皆陰陽之精本諸地

發諸天而其致由於人夫天地人之氣一也氣和

於人則天地之和氣應之氣斂於人則天地之斂

氣應之是故忠臣被逮六月飛霜孝婦含冤一年

不雨善言出而熒惑徒賢人聚而德星見此皆昭



然亦詭者穹曜昭垂道在知儆而可泄泄視之耶  
瘡於天人之際者當知所兢惕矣

漢成帝鴻嘉四年秋渤海河溢

漢元帝元初六年四月渤海大風拔樹三萬餘株

唐開元四年景州水中見龍三頭後六日有風自

龍見處西南來飛屋拔木半日晝晦

唐開成三年蝗食草木葉皆盡

開成八年滄景大水害稼及民廬舍

周恭帝時滄瀛大水千里無烟火

宋太平興國六年景州大雨雹雷震死人畜甚衆

淳化元年滄州等州旱帝蔬食祈雨

顯寧元年八月地震

金貞祐四年河北大饑人相食觀滄等州斗米銀

十餘兩

元至元十九年蝗食苗稼草木葉俱盡民捕蝗以

食曝乾積之又盡則人相食

元貞七年德景大水壞  
四千六百餘頃

至大二年河間滄州  
處蝗

泰定元年景滄等州旱免其田租

至順二年景獻等八州俱出食桑爲災

四年七月景州蓆縣等縣雨雹害稼

明正統間大蝗

景泰間大饑疫殍夫枕野

天順八年野蚕成繭禾稻生有九穗者

成化六年夏潦秋旱

二十二年有年夜雨晝晴

正德八年夏嘗有妖白色中傷人出血人驚駭夜

衆擊金鐵之聲達旦後遇雨而滅

十四年大疫

嘉靖二年春風沙無麥

三年夏旱蝗秋大水

五年春地震

十二年十月星隕如雨

三十二年春旱大饑

三十九年大旱居民流移山東等處就食

四十年春大饑人相食疫死者甚衆

四十二年大風沙拔樹折屋

四十五年五月雨雹大如雞鷲卵屋瓦皆碎禾  
稼盡傷

萬 元年有年

十一年蝗

十六年八月河決魏家口壞民廬舍

二十七年螟虫食苗盡民剝樹皮掘草根食之  
野多餓殍棄食乳子女於路甚衆

二十八年民大饑疫歿無算

三十二年大雨霖潦高下盡沒自泊鎮道中上  
船達瀛入京

三十四年蝗蝻滿地食苗殆盡

三十九年河決夏口闔縣修築費銀捌千餘兩  
四十三年春夏大旱七月季始雨皆搶糧而食  
四十五年禾大收斗粟值小錢拾玖文

天啓四年三月初二地大震物皆動搖

五年三月夜地大震物皆動犬驚皆吠至夏飛  
蝗蔽天

崇禎元年二月夜大風拔木雨內聞龍叫數聲

四年大雨異常高下盡潦

七年旱蝗

八年春雨土三日屋瓦皆飛

十三年旱蝗斗米價銀兩餘人相食隻身不敢

路行

十四年春大饑或至父子夫婦相食秋稍熟

十七年正月二十四日夜星入月中及三月十

九日闖寇李自成牌到縣令蘇公子令到任七

日棄城去縣大亂至

國朝李公持到任四境始安

皇清

順治四年七月內飛蝗蔽日樹木墜折

五年上寇猖獗

六年夜城頭兵器火光皆寸餘

十二年霖雨高下皆沒禾苗盡傷獨國課十分

之三

十四年大水

康熙四年自春至夏無雨禾苗盡稿蠲國課十分之二

五年大水種陸無遺蠲國課十分之二

七年六月十七夜地大震房屋倒壞

十四年大荒

十五年有年

十八年七月二十八日時地震異常旱蝗

十九年春斗米銀叁錢餘

二十二年十月五日午後地震

二十八年旱蝗蝻遍地

赦未完錢糧併次年春夏錢糧復出帑金遣官賑

濟民人自公亦捐俸煮賑

三十年旱

赦河西錢糧十分之三河東十分之二邑令自公

復捐俸施粥活萬餘人自十一月起至明春三

月止

封界

先王辨方正位體國經野於是始建邦國而正封  
 域封域正則界限明而田賦可定也察機運謀乘  
 勢備制政實先之化暨而亡攜威行而亡侮防固  
 而亡隙斯守土者之責也書曰申畫郊圻慎固封  
 守旨哉

縣在河間府之東南一百六十里

東西廣九十里

南北袤六十里

東南至寧津縣六十里

東北至鹽山縣一百三十里

西南至景州六十里

西至阜城縣六十里

南至吳橋縣七十里

西北至交河縣五十里

北至南皮縣四十里

東光縣志卷之一終

東光縣志卷之一

鄉里

古同井制廢而鄉里始分懷古者實為之二歎雖

然亦有遺意在焉鄉以萃澳作息共友可以觀仁

學以辨群指臂相維可以觀禮且奠居禦患詰奸

禁暴而義又未始不肅然於其中安可以非古而

少之是鄉里之設凡以居民而興業也然士境之

饒瘠烟火之稀稠習俗之媿惡政治之得失胥可

稽覽其觀風問俗之藹乎

城內正中為十字街東西南北為四大街分為四  
 舖而縣治之東與前後街為中舖又名東北營合  
 之則三五舖焉由十字街東復有小十字街街北  
 巷還無舖公署當察院墀壁街南巷為東南營十  
 字街北向西開新街以通學宮再北為丁字街由  
 此一語再東向東一巷為縣治後街十字街西向北  
 三學宮前大成門今廢又西自大士閣向南為西  
 營營十字街南向東亦名東南營向西則關帝廟  
 在城內為界

九鄉屯

仁德鄉      新德鄉      永壽鄉      順城鄉

安寧鄉      新安鄉      順德鄉      安樂屯

永受屯

三十六地方

馬家庄      燕家村      秦村      觀音寺

燈明寺      裹頭村      瓦王庄      陶家店

王校店      大龍灣      小龍灣      連窩鎮

王家集      順城南      土山      順城中



順城西

法隆寺

羅村

馬頭鎮

新德鄉

安樂屯

王家廟

夏口

燕臺南

燕臺北

順城東

以上俱見地方

陳家坊

楊家庄

觀音寺西

大屯

花園屯

安寧東

安寧西

秦家庄

順城北

以上歸併大地方

南北一堡

南堡在大龍灣地方千總一員防守捕盜

北堡在夏口地方守備一員防河催漕

虞制封山濬川山川洵為國重哉東光境多平壤

無崇崗峻嶺以為邑望然天胎魯陽廣輿不遺焉

斷漳諸河舊名雖存湮沒無徵所恃以煥發人文

環帶疆土者獨有衛河耳又稽古禹疏九河茲境

有二是亦有足稱述者

三山在儒學之後 治中邑令游公璋以胡蘇臺

在儒學之前巍然特起亦於儒學後築土為山

與之相峙其山連絡如箕因名三山明教諭文

公簡建亭於上後廢

本朝縣令孫公震重建學山園以爲會文之所

天胎山在縣南十里臨斬河又名天臺今漸平

魯陽山載樊深舊府志註曰唐李頎東光詩有舉

頭遙望魯陽山木葉紛紛向人落之句今無考

青山在縣西北三十里卽古觀津地漢文帝竇皇

后父隱身漁釣墜淵而卒景帝卽位立后爲太

后遣使於所墜之處築起大墳號曰竇氏冢

尚數丈冢廻里許又廣平古蹟亦載觀津於清

河爲竇太后故里云

上山在青山之西十五里

衛河又名御河爲今漕運要津在縣西三里許源

出衛輝故名經故城吳橋有大龍灣小龍灣灤

迴環帶山縣治西而北下至滄州青縣靜海天

津衛東入海

斬河在縣南二十里自安陵流經縣境入浮河唐

開元中開今澗

漳河在縣西自恩州舊漳南縣流入今澗

馬頰河禹貢九河之一在縣界後呼爲篤馬河唐  
貞觀元年開又名新河今涸

胡蘇河亦禹貢九河之一在縣東三里許漢志云  
以其水散如胡鬚故名

永濟渠在縣西其深莫測今漸平舊長蘆縣在此  
渠之西唐開元中移於此渠之東

### 河防

舊志稱東光堤岸素號完固一遇淤灘卽併力挑  
濬又每歲植柳若干預備牢固堤岸之用法稱極  
善但頻年築堤取土多掘毀岸旁民地夫民之地  
毀而額徵如故人情亦有大不堪者識者謂宜以  
河灘地補之此亦恤民之一端也又邇來河夫修  
築率多虛糜而督工者非勤於制視則堤岸弗堅  
雖築與無築同也邑有海職專理河工果能勤  
時省則弊孔斯除河災未有不祛者是故厚其隄

防濬其淤淺在職司者加之意而已

東光河兩岸南北各長六十里共淺九處共口四十處

河東畔自北至南曰夏口淺李家淺任家淺狼拾

淺北為南皮界南為吳橋界淺四處口岸二十

二處

夏口淺

彭家口

王家口

李家淺

無名口

霍家口

金家口

趙家口

任家淺

北無名口

南無名口

東孫家口

陳家口

西孫家口

李家口

王家口

趙家口

狼拾淺

焦家口

狼拾口

無名口

秦家口

王家口

張家口

劉家口

河西岸自北至南曰白家淺牛坊淺桑園淺大龍

淺古堤淺北為交河界南為景州界計淺五處

口岸十八處

白家淺

王家口

牛坊淺

霍家口

劉家口

桑園淺

廖家口

劉家口

魏家口

盧家口

姜家口

張家口

大龍淺

施家口

李家口

朱家口

白楊口

山堤淺

王家口

馬家口

戈家口

劉家口

九淺領設長夫八十一名遇旱乾澇淺專責長夫

民無偏累之弊

形勝

易之坎以險於地而設守國責之王公形勝自  
古重之夫形勝表也德勝本也德以育民民以植  
是日無形之形常勝之勝守土者蓋亦問是乎  
東光據渤海上游為吳卑之唇齒交南之襟喉連  
鎮控其南夏口扼其北中則洪河映帶左右平  
原沃衍遙聯齊魯迤接滄瀛一方之勝槩亦有  
可言者焉

古蹟

勝蹟自漢魏以來上下千餘年間才哲挺生事務  
縝紛一俯仰間不覺其百感生也夫韓王信負國  
竄亡穢德彰矣而子若孫迺能歸漢樹勛貴顯累  
世所謂蓋前人之愆惟忠惟孝者非耶竇父垂綸  
墜淵文皇后爲封爵起塚隱逸之節報本之義實  
爲兩得子桓翩翩文藻友誼之厚見於燕臺而畧  
地築城英氣勃勃葛榮氏亦當世之雄也東邑小  
鼎視大方不啻黑子之着面而一爲郡治倏而州

又倏而軍雖興廢靡常而名號亦不可泯予披荆  
榛而尋源委顧瞻芳躅則悲歌慷慨又惡能已也  
用是誌其大較如左以俟後之探奇弔古者採焉  
觀津古城史記樂毅傳曰齊湣王推三晉於觀津  
後毅歸趙趙封樂毅於觀津號曰望諸君  
弓高舊治在縣之順城鄉本漢縣名又漢封韓頽  
當爲侯國卽此

龍雒遺村在弓高城外卽漢封頽當孫韓悅與悅  
子韓增之地

安成故里漢書竇皇后父旱卒薄太后詔有司封  
竇后父爲安成侯卽此

順城古鄉在縣西北三十里漢昭帝封鈞弋夫人  
之父爲順城侯卽此

燕臺故趾又名燕友臺在縣北二十里舊屬南皮  
昔魏文帝爲五官中郎將時遊此築臺以燕友  
故名又相傳齊桓公北伐嘗射雉於此又名射  
雉臺

觀州舊城詳見沿革



胡蘇故縣漢東光縣地隋於故胡蘇亭置胡蘇縣  
西光鼎峙在縣西後魏孝昌中葛榮畧取其地  
東光築城置縣故名

鹽城遺蹟在縣正東二十五里古蹟猶存

胡蘇舊亭在縣學東南高二丈餘今建文昌閣於  
上

侯井廢縣在弓高城西北三十五里房將池側池  
形窄小似井因池側置縣故名

棘津城東漢志有棘津城司馬相如賦曰太公因

於棘津東光舊縣即今東光縣治

安陵廢縣唐李頎有寓安陵詩李白有訪道安陵

臨津廢縣本胡蘇廢縣唐天寶元年更名今廢

備梁

先王之教九月除道十月成梁其制出盡澤甚溥也東邑爲瀛南下地寥寥數橋難免病涉矣此而不葺究將胥廢因時補救端賴後人

王家橋在城東北五里邑人王進玉率男允升建後修道數里人不病涉

通濟橋在河西王家集北鄉民楊子才重建

郭家橋在城東南五里生員趙希朴重修

于家橋在城東北三十里

安陵橋唐李頎有故人斗酒安陵橋之句今廢

鄒家橋在城西漫河衛河之西離城八里

許家橋在河西曲區河離城十五里

郭家橋在河西離城十六里

永濟橋在河西離城二十里貢生王邦俊立

張家橋在河西王家集東南張九念建

馬頭橋卽古虹系橋王允升趙之麟等建

衛河浮橋冰合則架冰解則撤人免履薄之懼康

熙二十七年邑人于守江造

市集

考之聚貨曰集周禮設司市以掌之交易而退各  
得其所法稱極善東邑雖小而貿遷有無市集亦  
何可廢哉但僉小倚市爲姪則宜亟正以一王之  
法矣

四關大集每月三、八日輪流週而復始

連鎮在縣南十八里每月二、七日集

陶家店在縣東南二十五里每月二、七日集

秦村在縣東二十五里每月一、六日集

陳家坊在縣東十八里每月四九日集

燈明寺在縣東北三十五里每月二七日集

裏頭村在縣東北五十里每月一六集

馬頭鎮在縣西三里每月一六日集

王家集在縣西二十五里每月四九日集

營子在縣西二十里每月一六日集

夏口在縣北二十里每月二七日集

燕臺在縣北二十里每月一六日集

東光縣志卷之二終

三才圖會卷之二十一  
雜考  
三

阿  
比

9